

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

II. Vtrum fides sit practica, itemque vna, perfecta, infusa, & Theologica
virtus, eaque tam à charitate separabilis, quam per eam veluti formam
perfectibilis.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

Thomam obedientiam eo loco non accepisse, pro speciali virtute; sed generatim, prout includitur in omni virtute inclinante hominem saltem materialiter ad obtemperandum Deo, ut patet ex eodem artic. 7. Cum autem voluntas illa credendi habeat per se proprium & distinctum obiectum, assignandus est aliquis specialis habitus, à quo per se & immediate procedat, ut etiam supponit S. Thomas hic a. 2.

Secundo idem S. Thomas hic quest. 4. art. 3. hunc habitum indicat esse charitatem, vt notat etiam Caietanus hic art. 2. Sed hoc intelligit S. Thomas, solum quoad actus fidei in ratione virtutis Christianæ vndeque perfectos & meritorios vitæ æternæ, ut patet ex eodem art. 7. ad 5. Interim vero quia etiam ad alios actus fidei, quamvis à charitate non procedentes, motio voluntatis prærequisita habitum postulat, à quo connaturaliter elicatur, ideo alius quidam habitus assignandus est, ad quem per se ac vniuersum hic actus pertineat.

Vnde tertio Gregorius de Valentia hic quest. 1. punct. 4. sub initium dicit esse virtutem studiositatis, quæ moderatur appetitum sciendi. Et addit, id muneris in primis pertinere ad studiositatem, prout est virtus moralis non solum acquisita, sed etiam infusa. Verum non satisfacit. Nam primo ad studiositatem non pertinet intellectum determinare ad assentiendum, sed impellere & applicare potentias ad studium moderatum sciendi, iuxta S. Thomam infra q. 166. Deinde ex sententia eiusdem Gregorij de Valentia, & communis aliorum Doctorum, quam nos etiam tom. 2. disp. 3. q. 5. dub. 2. sequuntur sumus, omnes virtutes morales infusa per peccatum mortale cum gratia iustificante amittuntur. Cum igitur studiositas, ut est virtus moralis acquisita, ad supernaturalem affectum credendi non sufficiat, quod recte supponit Valentia loc. cit. non poterit etiam vniuersim sufficere infusa, utpote qua carent peccatores, nihilominus ad credendum habiles. Eademque de causa non potest etiam habitus ille voluntatis esse religio, ut alij nonnulli dixerunt.

Quocirca dicendum videtur cum Suario 3. part. tomo 1. quest. 7. artic. 3. & de religione tomo 1. cap. 5. num. 2. istum habitum voluntatis à charitate, religione, studiositate, ceterisque virtutibus distinctum esse, ut in assertione dictum; cum habeant distinctum obiectum formale, videlicet ipsum per se bonitatem supernaturalem actus fidei, quam vt sic nullus alias voluntatis habitus reficit.

Quamuis autem idem habitus physice distinguatur ab habitu fidei, moraliter tamen vnum, quid cum eodem censetur, ob subordinacionem, quam ad illum habet; sicut & ipsi actus, vtriusque habitus inter se, ob subordinacionem, quæ inter eos cernitur, ut recte notauit Suarez lib. 2. de relig. cap. 3. nu. 2. Quare etiam 1. Corinth. 13. vers. 13. Nunc autem manent fides, spes, caritas, tria hac, & alibi sub nomine fidei vterque habitus comprehenditur, & vterque simul suo modo est fundamentum salutis:

quamvis si inter se conferantur, prior sit habitus ille voluntatis, utpote cuius est actus ille, qui in Concilijs, praesertim Arausianco loc. cit. vocatur initium fidei, seu pia affectio voluntatis ad credendum.

DVBIVM II.

Utrum fides sit practica, itemq; una, perfecta, infusa, & Theologica virtus; eaque ram à charitate separabilis, quam per eam veluti formam perfecibilis.

Sanctus Thomas 2.2. q. 4. 2. 2. 3. 4. 1. 6. 7. & quest. 6. a. 2. & 2.

Spectat hæc dubitatio tum ad habitus fidei quædam attributa ac proprietates; tum ad proximum eius genus, quod dubio precedentem nondum satis explicatum est, cognoscendum. De qua re, iuxta ordinem questionum in dubitatione propositum, sequentes assertiones statuimus.

A S S E R T I O I. Habitus quidem ipsius fidei simpliciter & absolute loquendo, est speculatorius, secundum alias tamen veritates etiæ formaliter practicus: habitus autem ille in voluntate situs, fideique respondens, simpliciter & absolute est practicus. Primam partem tradunt omnes illi, qui habitu etiam Theologiae simpliciter speculatorium, & secundum quid practicum esse tradunt, vti nos etiam docuimus tom. 1. disp. 1. q. 4. dub. 3. Siquidem omnes fatentur, eandem quoad hoc esse rationem fidei Catholice. Vtriusque enim obiectum attributionis, nimirum Deus, est speculabile tantum; tametsi simul vterque habitus versetur circa veritates etiam quædam practicas; vt cum de actionum humanarum bonitate, malitia, ac præceptorum omnium generis obligacione agitur: neque repugnat, eundem habitum, secundum diuersos assensus simul formaliter esse speculatorium & practicum; quando hæc per se non sunt differentiæ essentiales habitus, vt ibidem diximus.

Eadem est mens S. Thomæ hic q. 4. a. 2. ad 3. vbi ait, fides esse in intellectu speculatorius sicut in subiecto, attamen simul etiam per dilectionem operari: sicut etiam intellectus speculatorius extensio fidei practicus, iuxta Aristotelem 3. de anima text. 29. & 49. Paulo aliter sentiunt Caietanus, & Aragonius hic q. 4. a. 2. & Gregorius de Valentia q. 4. punct. 2. qui docent, habitus fidei solum eminenter esse practicum simul & speculatorium, quod etiam indicat Suarez tom. 1. de Relig. lib. 1. cap. 2. num. 2. De qua re plura loc. cit.

Secunda pars assertoris videtur extra controveriam esse; & ex eo patet, quod habitus ille voluntatis est virtus quædam moralis, quæ versatur circa proximam, seu actionem liberam, prout bene vel male, fieri potest.

²³ **ASSERTIO II.** Etsi quidem fides duos habitus complectatur, unum intellectus, alterum in voluntate situm, ut dictum dub. præcedenti: ipse tamen per se habitus fidei, est unus numero in singulis; unus autem specie, sed numero diversus in omnibus credentibus: quod similiter de voluntatis habitu fidei subordinato dicendum est. Ita S. Thomas hic q. 4. a. 4. & 6. Prima pars patet ex dictis dubio præcedenti. Secunda pars contra quosdam male olim hac de re philosophantes probatur: quia plures numero habitus fidei in eodem subiecto superflui forent; cum aliqui sint eiusdem speciei, ut supponitur.

Tertia pars censetur de fide, ex illo Ephes. 4. v. 5. *Vnum Dominus, una fides;* quod saltem de unitate specifica verificari debet. Ratio est, quia obiectum fidei est unus, sive loquamur de obiecto materiali attributionis, sive de formalis Quo ex q. 1. dub. 2. & 3.

Ex quo etiam colligitur, sive aliqui habitus scientiarum naturalium complectantur plures habitus partiales specie distinctos, sive non, id tamen de habitu fidei affirmari non posse, ut pluribus diximus tom. 1. disput. 1. quæstione 4. dub. 2.

Quarta pars patet, quia idem numero habitus non potest esse in diversis numero subiectis.

⁴² **ASSERTIO III.** Turpiter proinde errant Sectarij huius temporis, qui fidem, quam vocant historicam, nempe assentientem articulis credis, fidem miraculorum, & fidem iustificantem, simpliciter & adæquate inter se diuersas faciunt; ut videre est apud Bellarminum de iustif. l. i. c. 5. & Gregorium de Valentia hic q. 1. pun. 1. initio. Probatur aperte ex Apostolo Hebr. 11. quide vna & eadem fide, & quidem, vt ipsi etiam Sectarij fatentur, iustificantे loquens, ait I. v. 3. *Fide iniungimus aptata esse sacula verbo Dei;* quod ipsi fidei historicæ tribuunt. II. v. 33. per eandem fidem, *santos obtutasse ora leonum, extinxisse impetum ignis;* quod est fidei miraculosa. III. demum v. 33. per fidem operatos esse iustitiam, adeptos esse reprobationes; quod est fidei iustificantis.

Ratio est, quia eo ipso, quod credimus, vera esse, quæ Deus reuelauit, atque illud in primis, à Deo iustificari impium per gratiam eius, disponitur homo ad ipsam iustitiam, iuxta Concilium Tridentinum sess. 6. cap. 6. deque eadem fide dicitur, Marci 16. vers. 17. *Sigla autem eos qui crediderint haec sequentur: in nomine meo demonia exierint;* &c. Neque ad miraculum patrandum aliud quicquam magis est opportunum, quam credere Deum esse Omnipotentem, seu non esse impossibile illi omne verbum.

Interim tamen, quia fides Catholica actu non iustificat, nisi charitate formata; neque miracula operatur, nisi vt peculiari cuidam fiducia de miraculoſo eventu subsecuturo coniuncta, vt habet communis sententia apud Gregorium de Valentia quæstione 4. punct. 4. recte dici potest, fidem actu iustificantem, & fidem actu miracula patrarent, inadæquate saltem à fide. Catholica nude spectata distingui: non quod fides miraculorum, & fides iustificans, secun-

dum se diuersa sit à catholica fide; sed quia certe utraque secundum aliquid sibi adjunctum distinguitur à fide nudè sumpta; quo modo parties albus distinguitur, ab eodem pariete nude secundum se spectato; cui scilicet superadit albedinem.

²⁶ Imo si fides miraculorum, ut nonnulli etiam ex Catholicis faciunt, sumatur pro illa ipsa fiducia, seu actuali, seu habituali, de eventu miraculoſo subsecuturo, tum etiā simpliciter & absolute loquendo, sine errore dici poterit, fidem miraculorum esse à fide Catholica distinctam, ut loquuntur Abulensis in cap. 17. Matthæi quæstio. 165. & Arragonius hic quæst. 1. art. 1. idque probant ex illo 1. Corinth. 12. vers. 8. *Aly per spiritum datur sermo sapientia, alij autem sermo scientia secundum eundem spiritum, alteri fides in eodem spiritu.*

Sed melius, & conuenientius iuxta Apostolum, fides miraculorum dicitur ipsa fides Catholica, ut iunctam habens fiduciam sicut dictum: & verius est, etiam in cit. loco fidem non significare fiduciam de miraculo subsequuturo, ut colligitur ex verbis immediate sequentibus, *aly gratia sanitatum in uno Spiritu; alij operatio virtutum &c.* sed certam quandam firmitudinem assensus fidei, persuasioni contrariae cedere nesciam.

²⁷ **ASSERTIO IV.** Fides etiam secundum se spectata, est vera & essentialiter perfecta virtus; tametsi plenum & perfectum virtutis statum non habeat sine charitate. Ita habet communis Doctorum sententia in 3. distinct. 23. & Bannes hic quæstio. 4. art. 5. ait, oppositum sibi videri plusquam temerarium; cum communis fidelium consensio eam pro virtute etiam Theologica habeat. Ratio est; quia illi vere competit ratio & definitio virtutis, prout dicitur habitus bonus potentia aliquo modo rationalis, bonum faciens habentem, & opus eius bonum reddens; bonitate scilicet non tantum secundum quid, qualis cernitur in virtutibus mere intellectualibus, sed etiam bonitate moris, à prudente electione dependentis, & ad salutem æternam comparandam ordinata.

Quare etiam fides est virtus non tantum secundum quid, quales sunt intellectualis illæ, scientia, ars. &c. sed simpliciter dicta, non minus quam prudentia, ut expresse docet S. Thomas 1. 2. q. 56. a. 3. & nos docuimus tom. 2. disp. 3. q. 3. dub. 1. & q. 4. dub. 1. Quod quidem non solum de habitu, quem fides in voluntate supponit accipendum, sed etiam de ipso habitu fidei in intellectu sito; siquidem & iste intellectus perficit non secundum se nude spectatum, sed ut pie motum à voluntate, iuxta ea quæ ibidem fulsis diximus.

²⁸ Oppositum tamen sensit Durandus in 3. dist. 23. quæst. 6. vbi docet, nec fidem informem esse propriæ virtutem, quia actu evidenter, adeoque in genere cognitionis perfectum non habet; neque fidem formatam verius, quam informem; cum charitas fidei sit per accidens & nihil intrinseca perfectionis addatur. Sed fallitur; habet enim utraque actum, iuxta conditionem,

365

potentia & obiecti, ac statum huius vitae, plane perfectum; & haec, non quidem quoad intrinsecam & essentiali virtutis rationem, sed quoad perfectum statum virtutis saltem extrinsece, à charitate perficitur, ut mox dicetur.

²⁹ Neque vero huic assertioni aduersatur S. Thomas hic q. 4. art. 5. vbi docet, fidem formatam esse quidem virtutem; informem autem non item. In quem sensum etiam Bonaventura in 3. dist. 23. a. 5. Richardus artic. 4. q. 2. & alij nonnulli dixerunt, fidem informem non esse proprie & simpliciter virtutem, sed formatam. Et rationem omnes assignant: quia videlicet fides informis non habet actum simpliciter bonum & perfectum, hoc est, utilem ad vitam æternam consequendam. &c.

Hi enim, ut ex ratione subiecta patet, nomine virtutis perfectæ, aut simpliciter dictæ, non intellexerunt virtutem præcisæ quoad rationem essentiæ perfectam, sed peculiari modo perfectam secundum rationem status, quem sibi depositæ virtus Christiana, ut fructuosa sit ad vitam æternam; eo modo loquendi, quo Augustinus lib. 4. contra Julianum cap. 3. fuse probat, nullam veram virtutem esse posse sine charitate & gratia Dei. In quem sensum etiam S. Thomas 1. 2. q. 65. a. 2. & q. 71. a. 4. vniuersim docet, habitus virtuosos sine charitate non habere veram & propriam rationem virtutis.

³⁰ Quamvis autem haec nominis quæstio sit, isque modus loquendi verum sensum habeat, ut dictum, nihilominus tamen absolute ac simpliciter loquendo negari non debet, siue fidem etiam informem, siue etiam alias virtutes acquisitas, quamvis charitati non iunctas, vere ac proprie virtutes esse; cum habeant totam rationem & essentiæ virtutis, ut dictum, & post Scotum ac Gabrielem 3. dist. 36. recte notauit Vasquez 1. 2. disp. 88. n. 4. sicut nemo recte diceret, puerum non esse verum & perfectum hominem, sed vi-

rum.

Ex quibus etiam satis patet posterior pars assertoris; præter ea, quæ dicentur assert. 9.

³¹ ASSERTIO V. Fides est virtus per se infusa; siue loquamusur de habitu intellectus, siue de habitu voluntatis. Ita S. Thomas hic q. 6. a. 1. & 2. & communis Doctorum in 3. dist. 23. Ratio sumitur ex dictis dubio præcedentibus docuimus, utrumque habitum, tam intellectus scilicet, quam voluntatis, esse supernaturalem etiam intrinsece ac quoad substantiam. Idem patet ex Scriptura Ephes. 2. v. 8. *Gratia eis salvata per fidem: et hoc non ex ipsis, Dei enim donum est; non ex operibus, ut ne quis gloriatur.* Idem contra Pelagianos colligitur ex Concilio Mileuitano cap. 4. Arausiano can. 5. & Tridentino sess. 6. cap. 7. & can. 3. De qua re ex instituto egimus tom. 2. disp. 3. q. 4. dub. 2. & disp. 6. q. 1. dub. 2. & quæst. 3. dub. 1. vbi speciatim de necessitate gratiae ad credendum contra Pelagianos & Semipelagianos egimus.

³² ASSERTIO VI. Intellectualis fidei habitus est virtus Theologica; habitus autem ille voluntatis non item, sed potius virtus moralis. Prima pars

est communis Doctorum in 3. distinct. 23. & S. Thomæ 1. 2. q. 26. a. 3. & 4. adeoque proinde certa, ut sine temeritate negari non possit. Ratio est: quia immediate versatur circa Deum, tanquam circa obiectum. *Quod, & Quo,* ex dictis q. 1. dub. 2. & 3.

Secundam partem tradit Gregorius de Valentia hic q. 1. pun. 4. & videntur supponere authores illi, qui eiūmodi habitum voluntatis agnoscunt. Ratio sumitur ex dictis dub. præced. quia habitus ille voluntatis non versatur immediate, circa Deum velut obiectum. *Quod, sed circa ipsum fidei actum,* in quem tendit, & ad quem inclinat. Nihilominus tamen prout moraliter uterque habitus unam virtutem constituit, recte idem simpliciter & absolute dici potest virtus Theologica; quia saltem secundum aliquid sui, & id quidem quod in ea potissimum est, Deum immediate attinet, ut notauit Suarez tom. 1. derelig. 1. 2. c. 3. num. 2.

ASSERTIO VII. Potest fides à charitate sejuncta existere. Hac assertio est communis Doctorum in 3. dist. 23. & apud S. Thomam hic q. 4. art. 4. Et si quidem sermo sit de eadem solum specie fidei, est de fide certa, ex Concilio Tridentino sess. 6. cap. 15. & Can. 28. Si autem de eadem quoque numero fide intelligatur, est ita certa, ut iuxta Gregorium de Valentia hic q. 4. punct. 4. contrarium merito censeatur temperiarium, utpote nec satis conforme Concilio Tridentino loc. cit. & in regravi repugnans communis Doctorum sententia ut dictum, quidquid olim nonnulli in contrarium senserint, ut videtur est apud Magistrum & Albertum ibidem, & S. Thomam hic cit. a. 4. qui eos perspicue refellit.

Eadem vero assertio contra Nouatores huius temporis, qui rejecta fidei formatae & informis distinctione, communiter omnes docent, veram fidem, quæ ad salutem requiritur, sine charitate esse non posse, probatur primo ex scriptura. Nam Matthæi 17. v. 22. Christum Dominum agnoscentes & confitentes (utique per fidem) tanquam operari iniquitatis excluduntur ab ingressu regni. Matthæi 22. v. 13. Regem ad conuinium seu Ecclesiam vocantem audit quidam (hoc ipso utique, fidelis) & tamen caret ueste nupciali charitatis, auctore Hieronymo, & Chrysostomo in eundem locum, & Gregorio homil. 36.

Item Matthæi 25. vers. 12. virgines fatuæ Dominum expectantes cum lampadibus (ac proinde fideles) sed sine oleo charitatis, seu bonorum operum, audiunt triste illud: *Nescio vos.* Et rursum ibidem Matthæi 25. vers. 41. impij illi in extremo iudicio, nulla infidelitatis culpa notati, sed sine operibus misericordie inuenti, damnantur. Præterea Ioannis 12. vers. 42. apertissime dicitur: *Verum tamen et ex principibus muli crediderunt in eum, sed propter phariseos non confitebantur, ut e synagogis non eicerentur.* Dilexerunt enim gloriam hominum magis, quam gloriam Dei: charitate proinde, non fide defluti.

Eodem modo 1. Cor. 13. v. 2. palam protestatur Apóstolus: *Si habuero omnem fidem, ita ut montes transferam, charitatem autem non habuero, nihil sum.*

Vbi

Vbi Apostolum etiam de fide Christiana loquuntur esse, patet multis argumentis. Nam 1. Apostolus vniuersalissime ait: *Omnem fidem.* 2. Inferius subiungit: *Nunc autem manent fides, spes, caritas,* &c. vbi nemo dubitat, de fide Christiana sermonem esse. 3. Fides miraculorum, de qua sola loquuntur esse Apostolum Nouatores contendunt, aut est ipsam fides Christiana, aut certe eam supponit, ex dictis.

Neque dici potest, Apostolum eo loco solum ex suppositione casus impossibilis hyperbolice loquutum esse. Non enim dicit, Si haberem omnem fidem, sed si habuero: qui modus loquendus casum ex se possibilem significat, ut patet in simili Matthaei 17. v. 19. *Si habueritis fidem, sicut granum sinapis, dicetis monti huic, transibime illuc.*

Denique Iacobus cap. 2. v. 14. & 17. & 21. & 26. loquens de fide, quæ Abrahami operibus cooperata fuerat, ac proinde pars quedam fuerat iustificationis, ait: *Sicut corpus sine spiritu mortuum est, ita & fides sine operibus mortua est:* atque corpus sine spiritu verum corpus est, & si non viuum: Ergo & fides sine operibus seu charitate, vera quidem fides, sed mortua est. Non ergo, ut volunt Sectarij, fides dicitur mortua sine charitate, sicut homo dicitur mortuus, qui hoc ipso verus homo non est, sed sicut corpus mortuum; ut expresse habent verba scripturæ.

Secundo probatur eadem assertio ex SS. Patribus quos sive referunt Bellarminus lib. 1. de iustif. cap. 15. & Gregorius de Valentia hic q. 4. punct. 4. Clarissimum est ille locus Augustini lib. 15. de Trinitate cap. 18. vbi ait: *Ipsam fidem non facit villem nisi charitas: sine charitate quippe fides potest esse, sed non proficit.*

Tertio probatur ratione S. Thomæ hic q. 4. a. 4. Ea quæ extrinsecus, & per accidens tantum rei adiacent, possunt salua rei substantia adesse, & abesse; sic autem se habet charitas respectu fidei; inter quas nulla intrinseca & essentialis habitudo seu necessarium vinculum assignari potest, maxime quia fides est prima virtutum Theologiarum, ut dicitur assert. vlt. neque soler prius dependere à posteriori, sed contra.

Sectiorum autem obiectiones ita facile soluntur. I. Illud ad Romanos 10. *Corde creditur ad iustitiam*, aut solum significat communem motionem voluntatis ad omnem actum fidei necessarium, ex dictis dubio præced. aut si charitatis effectum significat, sensus est, fidem non iustificare, nisi viuam & charitati iunctam.

II. Recte dicitur 1. ad Timoth. 5. *Qui suorum maxime domesticorum curam non habet, fidem negavit,* & est infidelis deterior. Quia licet talis corde credit, & ore confiteatur fidem, factis tamen negat, iuxta Tit. 1. vers. 16. eo peior infidelibus quo intelligentior fide.

III. Neque etiam obstat illud 1. Ioannis 2. *Qui dicit se nosse Deum, & mandata eius non servat, mendax est.* Id enim, ut recte notarunt Beda & Oecumenius, intelligendum est non de fidei, sed cuiusdam familiaritatis & amicitiae notitia, qua etiam impios nescire Deus dicitur, Matthæi 7. & 25. Alioquin nec fides, quam Sectarj historicā vocant

sine charitate esse posset. Et quomodo fides esse, non potest, sine mandatorum obseruatione, quam Aduersarij nec possibilem quidem esse docent?

IV. Iacobi 2. Fides peccatoris comparatur fidei démonum: sed non omni ex parte; nam hoc ipso, quod similis est, non plane eadem, sed aliquo modo diuersa est. Conueniunt ergo, quod & vtraque est de eodem obiecto materiali, saltem inadæquato; & quod vtraque infructuosa est: sed discrepant, quod illa vera fides supernaturalis, & Christiana est; hæc non est, quia in inferno nullus gratiæ supernaturali locus est.

V. Abacuc 2. Rom. 3. & 5. 1. Ioannis 5. & alibi passim, fidei tribuitur vis iustificandi. Sed sermo est, aut de fide formata, que per charitatem operatur, iuxta Apostolum Galat. 5. v. 6. aut de causa inadæquata iustitiae, & totius ædificij spiritualis, ac humanae salutis inicio, fundamento, & radice omnis iustificationis, iuxta Concilium Tridentinum sess. 6. cap. 8. De qua re plura tomo 2. disp. 6. q. 4. dub. 3.

VI. SS. Patres aliquando fidem per peccatum deficere dicunt. Sed loquuntur aut de fide viua, & per charitatem perfecta, aut de quodam eius defectu non secundum substantiam, sed secundum operationem & effectum.

ASSESSIO VIII. Imo verius est, fidem adiutum sine gratia & charitate infundi quoque, & in ijs augeri posse. Ita expresse docet S. Thomas q. 6. a. 2. ad 3. Caietanus, Bannes ibidem, Gregorius de Valentia q. 6. punct. 2. & si contrarium dixerint Scotus in 3. d. 36. q. 1. a. 4. Durandus 3. d. 2. 3. q. 6. Vega in Concil. Trident. lib. 7. cap. 28. & fere Sotus lib. 3. de grat. cap. 3. qui solum in baptismi Sacramento, ab adultis ita augeri posse concedit, non extra. Probatur; tum quia ponit potest sufficiens dispositio ad fidem, eiusque augmentum, ante charitatem: nempe ipse actus fidei. Tum quia fides, semel acquisita, conseruari potest sine charitate; quid n̄ & acquiri, & augeri, non quidem efficienter producendo, aut per meritum de condigno acquirendo augmentum fidei, sed vel per modum meriti de congruo, ut docet Valentia quest. 5. p. 4. vel potius per modum dispositiois; qua ratione per actum fidei etiam primum acquiritur fides, ut dictum est tomo 2. disput. 6. quest. 4.

Nec obstat primo Concilium Tridentinum, sess. 6. cap. 7. asserens, hec omnia simul infundi, fidem, spem, charitatem: quo modo loquitur etiam S. Thomas 1. 2. q. 6 2. art. 4. Nam vocula simul, iuxta omnes, non potest vniuersim denotare idem infusionis infans; cum peccator fidelis, amissa charitate, in iustificatione, solam charitatem infusam accipiat. Solum ergo significat, vel eorum habituum in iustificatione necessariam coniunctionem; aut certe sermo directe solum est de infideli; qui primum iustificatur, ac saltem codem tempore omnia hæc accipit. Nec secundo obstat, quod in statu peccati mortalium, ex veriori, non acquiruntur.

cæteri habitus virtutum moralium infusarum: quia verius est, nec actus quidem earum elici sine charitate, vel dispositione ad illam: præterquam quod aliunde constat, virtutes morales infusas à charitate nunquam separari, ut alibi dictum tom. 2. disp. 3. q. 5. dub. 2.

43

ASSERTIO IX. Fides tamen charitatis accessio ne extrinsece perficitur; ita ut proinde charitas sit quasi forma quædam fidei. Ita ex communione Sanctus Thomas hic quæst. 4. art. 3. vbi absolute afferit, charitatem dici formam fidei. Quod tamen ipsem satis explicat, non ita accipendum, quasi charitas sit proprie dicta & intrinseca quædam fidei forma, seu essentialis, ut est anima respectu corporis; seu accidentalis, ut est albedo respectu parietis: sed quia sane aliquo modo, instar formæ, perficit & exornat actum fidei; tum conferendo illi nouam speciem accidentalem, eo modo, quo finis extrinsecus actuicōfert nouam speciem, ex doctrina eiusdem 1. 2. q. 18. a. 7. tum conferendo illi nouam vim & dignitatem moralem, hoc est, rationē meriti, cum alioqui actus fidei sine charitate meritorius non sit, iuxta dicta tom. 2. disp. 6. q. 6. dub. 2. & 4. Atque eodem modo charitas etiam aliarum virtutum forma dicitur infra q. 23. a. 8.

Et ex dictis vtraque hac, & 7. assertione, sumitur illa distinctio fidei informis, & formatæ; itemq; mortuæ & viva; quæ eundem fidei habitum, sed iuxta diuersum statum significant ut dictum.

44

ASSERTIO X. Fides inter omnes virtutes supernaturales ordine naturæ est prima. Ita S. Thomas hic q. 4. a. 7. & Caetanus ibidem, ex communione. Probatur tum ex illo Hebr. 11. v. 1. vbi propterea fides dicitur substantia seu fundamentum rerum sperandarum. Tum quia virtutes Theologicæ, cum circa ipsum finem versentur, natura priores sunt moralibus infusis; & in Theologicis illa cæteris natura prior est, quæ cum in intellectu sit, suum reliquum obiectum ostendit ac proponit. Alius est ordo dignitatis, & temporis. Sicut enim sære, saltem infantibus, simul infunduntur, iuxta Concilium Trident. sess. 6. cap. 7. ita sine controversia charitas præcellit fidei, iuxta Apostolum 1. Corinth. 13. v. 3. De qua re plura diximus tomo 2. disputat. 3. quæst. 5. dub. 2. & 3. cum Sancto Thoma 1. 2. quæst. 62. artic. 4.

D V B I V M III.

An, & quæ ratione fides certitudine tum scientias naturales, tum alias virtutes & habitus intellectuales superet.

S. Thoma 2. 2. q. 4. a. 8.

Spectat hoc dubium ad unum quoddam cæteris illustrius fidei attributum, eius nempe certitudinem cognoscendam.

Respondet vero S. Thomas cit. a. 8. fidem simpliciter, & ex parte causæ, seu rationis formalis,

qua ntitur, esse certiorem scientia, & omnibus habitibus naturalibus intellectus; secundū quid autem, & ex parte subiecti, siue quoad nos, minus certam.

Verum ut res hæc tota, qua de varie loquuntur Theologi, recte intelligatur, supponendum est ex communione doctrina Philosophorum, & Theologorum, quam etiam supponit S. Thomas ibidem, certitudinem actus vel habitus duplarem esse, vnam obiectuam, seu ut vocant, obiecti, seu quod idem est, ex parte obiecti; sic dictam, non quod in obiecto dumtaxat, nō autem in ipso subiecto, seu intellectu, actuue illius in isto, ut male Durand⁹ infra citandus S. Thomam interpretatus censuit; sed quia actui cum obiecto quodam modo communis est, & primario seu originaliter ex ipso obiecto prouenit, ac re ipsa nihil aliud est, quā infallibilis veritas: vnde etiam dici potest & solet certitudo infallibilitatis, vnde cunq; tandem ipsa oriatur.

Altera certitudo vocari solet subiectuam, sive subiecti, aut ex parte subiecti, que videlicet subiecto ipsisq; assensu propriæ est, nec communis obiecto, etiam si interim fortasse oratur etiam ex conditione obiecti: quo modo iuxta communem & receptum nunc inter Philosophos & Theologos loquendi modum, nihil est aliud, quam firma & constantia adhæsio intellectus, exclusiens omnem dubitationem, saltem deliberatam. Vnde etiam à Bonaventura, Durando, Alberto, & alijs in 3. dist. 23. vocatur certitudo adhesionis: que quidem si obiecto commensurata sit, censenda est vera certitudo, ut docet S. Thomas in 3. dist. 23. q. 2. a. 2. & dist. 26. q. 2. a. 4. Sin autem præter dignitatem obiecti, temere concepta sit, tunc potius dicenda est pertinacia, ex cæcitate, aut duritia cordis ora, vel ut loquitur Concilium Tridentinum sess. 6. cap. 9. *Vana & temeraria fiducia, seu credulitas.* Oritur quidem ea potissimum ex penetratione, seu evidentiâ obiecti, iuxta S. Thomam hic cit. a. 8. sed non solum, ut sequentibus assertiōnibus declaramus.

ASSERTIO I. Tam actus, quam habitus fidei, certitudine quidem infallibilitatis, seu ex parte obiecti, superat omnes omnino actus & habitus naturales, quātumvis certos & evidētes. Ita S. Thomas hic q. 4. a. 8. Caetan⁹, Bañes, Arragonius ibidē, Gregorius de Valentia q. 4. pun. 8. ex communione Doctorū in 3. dist. 23. contra Abailardū, asserente fidei assensionem esse incertā opinionē; quē luculenter refutat S. Bernardus epist. 190. & partim etiam contra Scotum in 3. dist. 23. q. vn. vbi significat, fidem infusam, non magis quam acquifitam, per se ac ex natura habitus inclinare in verum tantum; cum, ut ait, decipi & non decipi, non sit à parte habitus, nec à parte assensus, quem facit, sed à parte obiecti, secundum quod obiectum vere seu false presentatur habitui.

Quæ doctrina satis refellitur tum ex dictis q. 1. dub. 5. vbi ex instituto probauimus, fidei nō posse subesse falsum; tum ex communione & recepta doctrina Aristotelis 6. Ethic. 3. vbi docet, virtutibus intellectualibus, qualem etiam esse fidem diuinā dictum est dubio præced. semper verum dici, ita ut ex natura sua circa vera tantum obiecta-

versen-